

小兒

此卷方論俱從錢氏直訣選出其外有小兒常患之症而方未備者更考他書補入治小兒之法大端畧具其所選之方

藥一概全錄不必更將他卷查閱以便業幼科者專取此書誦習可也

脉法

脉弦急

氣不和

脉沉緩

傷食

脉促結

虛驚

脉浮

為風

脉沉細

為寒

脉

亂

不治

全幼心鑑云小兒一歲以前看虎口食指寅卯辰三關以驗其

病

寅卯辰即風氣命三關也

脉紋從寅關起不至卯關者易治若連卯關者

難治若寅侵卯卯侵過辰者十不救一其脉紋見有五色如因

驚必青瀉痢必紫當以類而推之一歲後則可用一指轉側辨

其三部脉弦急浮沉四五歲後脉八至而細數者爲平九至者傷十至者困六至五至者爲虛爲寒弦緊爲風癘弦急爲客忤
面部症

左腮爲肝右腮爲肺額上爲心鼻爲脾頰爲腎若色赤者熱也宜隨症治之

目部症

目內色赤者心實熱淡紅者心虛熱青者肝實熱淡青者肝虛熱黃者脾實熱微黃者脾虛熱白而混者肺實熱目無睛光者腎虛也

五臟虛實寒熱

心主驚悸則叫哭發熱飲水而搐虛則臥而悸動不安視其睡
口中氣溫或合面睡及上竅咬牙皆心熱也心氣實則喜仰臥
肝主風實則目直大叫呵欠項急頓悶虛則咬牙多欠肝熱則
手尋衣領及亂捻物壯熱飲水喘悶目赤發揚肝有風則目連
劄得心熱則發搐或筋脉牽繫而直視風甚則身反張強直不搐
心不受熱也當補腎治肝

脾主困實則困睡身熱飲水虛則吐瀉生風面白腹痛口中氣冷
不思飲食或吐清水呵欠多睡者脾氣虛而欲發驚也

肺主喘實則悶亂喘促有飲水者有不飲水者虛則哽氣長出氣

蘭雪車箱
卷八
肺熱則手招眉目鼻面 肺盛復感風寒則胸滿氣急喘嗽上
氣 肺臟怯則唇白悶亂氣粗喘促哽氣者難治肺虛甚也

腎主虛無實也惟瘡疹腎實則變黑陷若胎稟虛怯神氣不足目
無睛光面白顙解此皆難育雖育不壽或更加色欲變症百出愈
難救療或目畏明下竄者蓋骨重而身縮也咬牙者腎水虛而不
能制心火也

變蒸

小兒在母腹中乃生骨氣五臟六腑成而未全自生之後卽長骨
脈五臟六腑之神智也變者易也自內而長自下而上又身熱故

已生之日後三十二日一變每畢卽情性有異於前何者長生
腑臟智慧故也何爲三十二日長骨添精神人有三百六十五骨
除手足中四十五碎骨外有三百一十自生下骨一日十段而上
之十日百段三十二日計三百一十段爲一遍亦曰一蒸骨之餘
氣自腦分入齦中作三十二齒而齒牙有不及三十二數者由變
不足其常也或二十八日卽至長二十八齒以下倣此但不過三
十二之數也凡一周遍乃發虛熱諸病如是十周則小蒸畢也計
三百二十日生骨氣乃全而未壯也

急驚風症治

小兒急驚因聞大聲或驚而發搐搐正如故此熱生于心身熱面赤引飲口中氣熱二便黃赤甚則發搐蓋熱甚生風陽盛而陰虛也宜利驚丸除其痰熱不可用巴豆之藥

漫驚風症治

小兒慢驚因病後或吐瀉或藥餌傷損脾胃而肢體逆冷口鼻氣微手足瘳癢昏睡露睛此脾虛生風無陽之症也 小兒初生壯熱吐衄身體強直手足抽掣目反直視是胎驚風症也

發搐症治

驚癇發搐男則目左視無聲右視有聲女則右視無聲左視有聲

相勝故也

欲驂逆順男則握拳拇指入食指中爲順於外爲逆女則入食指爲逆於外爲順仍參吮乳不能頻以治其母後倣此

暑傷風發搐口中氣熱呵欠頓悶手足動搖

若傷食發搐身溫多睡或吐不思食
百日內發搐真者不過二三次必死假者頻發不死真者內生驚
疳假者外傷風冷血氣未實不能勝任故發搐

癩癩症治

凡治五癩皆隨臟治之每臟各有一獸之形並用五色丸治之發


而重者死病甚者亦死若反折上竄其聲如犬症屬肝也若目蹬吐舌其聲如羊症屬心也若目直腹痛其聲如牛症屬脾也若驚跳反折手縱其聲如雞症屬肺也若肢體如尸口吐涎沫其聲如豬症屬腎也

附面部三指診候圖



小兒半歲之間有病以名中食三指曲按額前眉上髮際之下若
 三指俱熱感受風邪鼻塞氣粗三指俱冷感受風寒臟冷吐瀉若
 食中二指熱上熱下冷名中二指熱夾驚之候食指熱胸膈氣滿
 乳食不消

附虎口三關脉症圖



水鏡訣云陰陽運合男女成形已分九竅四肢乃生五臟六腑
部位各分逆順難明若憑寸口之浮沉必至橫亡於孩子須明
虎口辨別三關消詳用藥必無差誤未至三歲看虎口三關若
脉見風關尙易治交氣關則難治交命關爲死症又當辨其色
如獸驚三關必青水驚三關必赤人驚三關必黑若紫色主瀉
痢黃色是雷驚三關脉通度乃極驚之症必死有紋或青或紅
如線直者是母食傷脾左右一樣者是驚積齊發紋有三條白
主肺傷風痰或齁胎聲青主傷寒及嗽紅主泄瀉有黑相兼主
下痢紅多白痢黑多赤痢有紫相兼虎口脉亂乃氣不和也蓋

脉紋見有五色由其病甚色能加變至於純黑者不可得而治矣

五臟瘡疹証治

小兒在胎食五臟血穢伏於命門若遇天行時熱或乳食所傷或驚熱所觸則其毒當出初起之候面燥腮赤目胞亦赤呵欠頓悶乍涼乍熱咳嗽嚏噴手足稍冷驚悸多睡宜究其何臟所發察其何因所起令乳母亦須節飲食慎風寒五臟各有一症肝臟水疱青色而小肺臟膿疱色白而大心臟癰色赤而小脾臟疹小次癰故色赤黃淺也先發膿疱後發疹子者順先疹子後癰者順反

此爲逆惟腎無候但見骭冷耳冷是也若寒水來侮故黑陷而耳
骭反熱爲逆也急用百詳丸牛李膏各三服不愈者死 如發潮
熱三日以上出不甚多而熱不止者未盡也潮熱隨出如早食潮
熱不已爲水疱之類也一發便出盡者重瘡夾疹者半輕半重也
出稀者輕裏外微紅者輕外黑裏赤者微重外白裏黑者大重也
瘡端裏黑點如針孔者勢最劇也青乾紫陷昏睡汗出煩燥熱渴
腹脹啼喘二便不通者困也有大熱利小便解熱毒若紫黑乾陷
或寒戰咬牙或身黃腫紫者急以百詳丸下之復惡寒不已身冷
出汗耳骭反熱者死症也此腎氣大旺脾虛不能制故耳下後身

熱氣溫飲水者可治以脾土勝腎寒去而溫熱也不黑者不可下
下則內虛歸腎大抵瘡疹屬陽在春夏爲順秋冬爲逆冬月腎旺
盛寒病多歸腎變黑又當辨春膿疱夏黑陷秋癰子冬疹子者十
活四五黑者十難救一 身熱煩渴腹滿而喘便澀面赤悶亂大
吐此當利小便不瘥者宣風散下之若能食而痢頭焦起或未焦
而喘實亦可下之若五七日痢不焦是內熱也宣風散導之生犀
汁解之 癰疹作搐爲脾虛而肝則乘心火妄動風熱相搏也當
瀉心肝補脾土 瘡黑而忽便膿血并痢皮者乃脾氣實腎邪退
而病安也及瀉而乳食不化者脾虛不能制腎故難治

此卽近世痘瘡之症其病與癍疹同列並無起脹成漿收靨等說大抵宋時之瘡形治法不過如此近日愈變愈重與癍疹絕不相類治亦迥別因知天下之病隨時隨地變化無窮所以內經有五運六氣異法方宜等論爲醫者苟不能知天運之轉移及五方之體性終有偏執之處不可以稱上工也

痘瘡無人可免自種痘之法起而小兒方有避險之路此天意好生有神人出焉造良法以救人也然人往往以種痘仍有死者疑而不敢種不知乃苗之不善非法之不善也況卽有死者不過百中之一較之天行惡痘十死八九者其安危相去何如

也至於治痘之書自宋至今不下數十種莫不和平切近熟意
邇年以來崇奉怪書不論小兒之強弱痘症之虛實概以大黃
數兩石膏數斤爲一劑使兒眞火消盡元氣大傷絕其起脹成
漿之路因向其父母云此症或不能起脹或不能成漿而死至
期果死其父母以爲神目不知此實醫者致之死地也或幸不
死則信爲大黃石膏之功而此二味遂爲不祧之藥矣又方中
多用蜂房蝎子蟻螯蚯蚓蚌汁等惡物成升成碗灌入兒腹以
增其毒而爛其胃宛轉就死尤可痛心夫近日時醫治精壯男
婦之病見用清火之藥一二錢羣以爲此寒涼之品斷不可服

必當用附桂參朮獨於數月之小兒反用大寒大毒之藥成兩
成斤俾死者接踵而不悔何耶醫者不足責爲父母而目覩其
子之服此毒藥以致慘死毫無疑怨則何心也

丹瘤

丹瘤之症因熱毒客於腠理搏於血氣發於皮膚當以白玉散塗
之

傷風兼變症治二

傷風兼肝則發搐頓悶兼心則驚不安兼肺則喘嗽哽氣兼脾則
困睡兼腎則目畏明各隨補其母

諸經發熱症治三

潮熱者時間發熱過時即退來日依時而發此欲發驚也 壯熱者常熱不已甚則發驚癇也 風熱者身熱而口中氣熱乃風邪外感也 溫熱者肢體微熱也 發熱而不欲飲水者胃氣虛熱也發熱而飲水作渴喜冷飲食者胃氣實熱也

吐瀉症治

若吐乳瀉黃傷熱乳也吐乳瀉青傷冷乳也皆當下之 吐瀉昏倦睡不露睛者胃實熱也吐痰涎及綠水者胃虛冷也 初生下吐因穢惡下咽故也凡初生急須拭淨口中否則啼聲一發穢物